



Regd.No.19134/88

<http://www.kbc.org.in>

NAI/220/99

No-G-4/Regd/Magazine/KBCThuso/MNP-81

KBC THUSO

Kum 54 Ihinn

Lhadou/June 2017

So 458

*PATE
NIKHO*

PATE MOPOHNA

july EVENTS

KUMKIM AUDIT -03-06

ANTHAH LOP -23

"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11



Tabitha Girls Hostel

Tezu Mission Centre Arunachal mun a Tabitha Girls Hostel ana kisa chu Pu General secretary KBC in hondoh na Mission Board member ho le Tezu munna Mismi lamkai hotoh kilom tah in aga neitavin ahi



Head office
opp. DM College
Imphal



www.kbc.org.in



kbcindia@rediffmail.com
mail@kbc.org.in



Matijang Baptist Church KBC Gambih 8 mun a Nute nikho loupi tah a kiman khom na

CONTENTS

THUMAKAI HO

1. Editorial/Pate Nikho	1
2. Natoh le thutah in Ngailu u hite /Rev. Paolen Haokip	4
3. World & Environment Day/Pastor Henkholen Kipgen	7
4. Penticost/Rev. Henjalen Dounghel	10
5. Gospel Thilbolthei na/ Pu Thangkholun Haokip	12
6. Mission Column	17
7. Women Column	20
8. Youth Column	22
9. Literature Column	23
10. Report/Hetsah	26-31

EDITORIAL BOARD

Chairman	: Rev. Dr. Hawlngam Haokip, President KBC
Editor	: Rev. Ngamjapao Haokip, General Secretary
Joint Editor	: Rev. Henjalen Dounghel
Contributing Editors	: 1. Rev. Letpu Kipgen 2. Rev. Onthang Haokip 3. Rev. Kaikhokam Chongloi 4. Pastor Paokhohao Haokip 5. Pastor Satminlen Khongsai
Cir. Manager	: Ms. Lhingjanem Haokip
Design & Layout	: Hemkholen Haokip

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch

A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 9612817768 Contact thei.
Circulation to kisai lam Mobile No. 9862633173 bol ding.



PATE NIKHO

Editorial

Thumakai:

Kum 2017, Lhadou (June) lha damself'a ihung lut'u toh kilhonna Kuki Baptist Convention Events of Calendar dungjuia tulha thupi chu "Pate Mophna" ti chu ahin tunin Pa tamtah amopohna kihet lou ahilou le itobanga mopoh na kanei ham ti jong gel pha lou houbung sung le gamsunga mipa aum hi vangset na lentah khat ahi. Pate mopoh nahi ipi ham? Ipi lampia mopoh na anei u ham ti het doh a aumteng le bou insung, Houbung sung, le kho-sung lhagaova khantou na umthei ding ahi. Tunin insung tamtah amang thah in, jile cha teh le mou kikh a jong kihet khel na atam tan insung nomtah sem doh nading chu Paten imopoh nao isuhmil tahjeh un iso doh jou tapouvin ahi. Ajeh pentah ipi ham itile Pate tamtah in imopoh nao (Responsibility) ihet tah lou jeh uva insung khosung le Houbung sung boi ahi tai. Pathen thu in eisei peh dungju un Pate mopohna ipi ham ti achom lamtah' in anaki-hou lim'u hite.

Text Job 1:5b, "Chujong le Job chu jingpi tahin athoujin, achate jat dungjuiyin pumgo thilto abolpeh jie; ajeh chu Job hin aseiyin, ljem itileh kachapate hi chonsesa hiuvin tin, alung thim uva jong Pathen agaosapsao hithei maiyin te, ati ahi. Job chun hitobang hin tang louhel'in abol jing jenge".

1. Chate adinga Maicham semjing Mipa ahi angaiye. Job kitipa hi Uz gammi ahin nolna beihel leh chondih tah, Pathen ging khen cha umjing lamse lam peldoh jing mikhat ahiye. Chapa sagi aneiyin, chanu jong thum aneiyen. Nei le gouva jong ning lhingset mi ahin niso lam gamkai sungse sea mi nasapen ahi tai. Job kitipa hi jingpi tah in athoujin achate jouse jat dungjujin pumgo thilto abolpeh jie. Mihao tah le neile gouva lhingset ahi jeng vangin achate Pathen deilouva akiman chah diu hi adei poi ti Job hinkhoa mudoh thei khat chu ahin ahi. Ipi dinga Job hin achate jouse dinga jingkah seh a pumgo thilto maicham chu achate dinga asem peh jing ahidem? Job hin hitin aseiyen "Ijem itileh kachapate hi chonsesa huiuin tin, alung thim uva jong Pathen agaosapsau hithe maiyin te ati". Achate chonset na alhah khah diu hi Job in nasatah in kichat na aneiyin, chonset thil apel doh uva Pathen deilam'a hinkho aman nathe diuvin jingkah seh in Job hin achate jouse dingin Pumgo thilto maicham asem peh jingin ahi. Job in Pathenna kona gou man lutah amu achate jouse chung a amo poh nachu aki het l'heh jengin ahi. Tunin mipa tamtah in imopoh nao iki het loup'hat'uv'in iji icha teu tahsan thei le kinep natheiyin hinkho amang doh thei tapouvin ahi. Job banga jingkah seh a achate dinga taojing le maicham semjing mipa i'jat ium u hinam? Chate achih le at'hep diu ide'i soh keiyun hinlah chonset hinkho a alhalut khah diu kichat nale ginna jeh a aselam apeldoh thei nadiu va Pathen koma taojing le thum jing mi aki l'hom tan ahi. Tunin chate tamtah chonset kicha louva hinkho setna mang'a chonset na l'halut chate tamtah ilah uva aum tan ahi. Job banga achate chonset na hinkho aman diu kicha a Pathen koma taojing le thumjing a maicham sempeh jing jeng ding Pathenin Job tobang mipa tunin angai cha l'heh jeng tai.

2. Pathen Hatna Songjing puma Lamjot ngaiye. Job hinkho akona mudoh thei chu ipi ham iti leh Pathen hatna song puma hinkho mang ihi lou uva ahile l'hepna il'lah tei tei diu ahi. Job chu chondih tah le nolna beihel mi hijongle ahinkho ahin l'hepna sang tah anatoh in ahi. Anei agou jouse aki le lah peh in

achapate jouse le achanute jouse jong akilah pehin
 atahsa chung a jong natna le gentheina tin cheng
 thoh in hinkho amangin ahi. Hicheng se athoh jou
 nungin jong Job hin Pathen lhakang louvin hin kho
 amang jing nalaiyin ahi. Angaitah ajinu kisanin
 jong "Na Pathen chu gaosa' in lang thidoh jengin
 tin ana houvin ahi" (Job2:9). Hinlah Job in Jinu jah a
 chun nangman numeiho lah a angol pen khat thusei
 bangin thu naseiye, einin Pathen khut'a kona thilpha
 jeng jeng ikisana thilse kisan lou hel'a ium ding ham
 tin ana donbutne. Aji ngaitah jeng jong chu amadin
 lhepna in hung pangin hijong le Job in vang atah-
 sana lhaso louvin Pathen hatna songin lam ajot
 jinge. Job hinkho mandan hi mihema dinga chu ki-
 nepna umlou hel ahitai. Hijong le ahinkho sunga hin
 Pathen hatna songin Pathen chu aki lamkai sah jing
 tan ahile lhepna jouse chu athoh jouvin ahi. Tunin
 pate jousen jong ihinkho man sunga hi Pathen
 hatna song leh Pathen kilamkai sah jing mipa chu
 ihu hinam? Job hinkho banga hi eiho insunga jong
 lunggim lungdon na hunglung ding ahi. Chondih
 tah le nolna beiyin hinkho mang jeng jong le chun
 leiset hinkho iman sung uva hi lhepna to iki maito
 jing jeng diu ahi. Naji le nachate jong chu nang ma
 dia lhep na hung pang jeng thei ahi. Hijongle Pathen
 hatna songa lam jot jing nahi khah le achaina chu
 phatthei na hung lung thei tei ding ahi. Job jong
 chun hinkho genthei tah in ana mangin hijong le
 achondih nale Pathen deiya hinkho ana man jal
 chun achaina chu phatthei na ahi thou thouvin ahi.
 Pathen hatna song jing puma hinkho manga lam
 jotjing mipa tunin Pathenin angai chan ahi.
 Achainan: Tukum 2017 Pate nikho iman kit diu
 to kilhonin Pate jousen ipi ham Mipa mopoh na?
 itobang mopohna hi subulhit leng insung, khosung
 le Houbung sung lhagaovin kipana aumthei dem ti
 geldoh jing puma ina man uva; adeh a Job banga
 Achate jouse dinga jingkah seh a maicham sem
 jing le itobang in hahsat nale lungdon nathei ihin
 khou'va lung jongle Pathen hat na song puma
 lam jot jinga achaina hi phatthei nale lolhina aum
 jinge ti geldoh jing puma hinkho mang cheh dingin
 mipa te jouse Pathenin phatthei eiboh cheh taohen.
 Amen!

Natoh le Thutah in Ngailu u Hite

(1 John 3:18)

Rev. (Dr.) Paolen Haokip

SERMON

Introduction

Pate Nikho (18th June 2017) a dingin lamkai hon "Natoh le Thutah in Ngailuu hite" ti thupi ahin gongun, hiche topic toh kisaiya article chomcha jih dinga lamkai hon ngansena ahin neiyu to lhona keima jong sun thei dinga dam le bit a ka um jeh in Pa Pathen kathang-vah in chule lamkai ho chungu kakipana kahin phonge. I-thupiu a pansa in pate dinga kihilna chomcha ana vekhom u hite.

Text a hin John in ngailut chung changa atahsan chate ahilna aki-mun ahi. Khat le khat kingailut ding hi atil abul'a kipat kimu Christiane kipana thupha ahi tin John in aseiyin ahi. "Atil abul'a pat'a umsa jing kana a kajah, kamit tah a vettoh a kamu, chule kakhut tah a kathamsa, hinna thudol chu kahinsut ahi" (1 Jn.1:1; 2:7, 24). Ngailut hi eima dei le deilou kilheng ding hilouvin, pentahna neiya, Christian te umchan ding dan ahi (Jn. 15:12; 1 Pet. 1:22, 23). Ngailut jalla eima hina kidalhaa Pakaiya dinga ihinna kikatdoh ahi. Ajeh chu Jesun chutobangma chu abol ahi. Hijeh a chu John in "Aman (Jesun) eiho dinga ahinna apeh jeng ahin, hiche chu eihon ngailut ihetnau ahi; chule eihon jong isopiho dinga ihin nau ipeh ding dol'u ahi" (1 Jn. 3:16) atin ahi. Ahin diabol leiset chungu thaneitah ahijeh in tahsan chate kiven phat jing angaiyin ahi.

1. DIABOL NATOH HO

1. Toltha hi diabol notoh ahi
Vannoi thusim hi tahsan chate suhgentheina thusim dimset ahi (Heb. 11:36-40) ajeh chu diabol chate hi leiset chungu thunei le vaihom a pang nalai ahivu. Amaho nungjui hon toltha abol jingu ahi. Pathen

katahsan e tia, maicham, hop-som, chule taona boljing ahivanga lungthima toltha ding lung gel aumle diabol cha ahi nalaiyin ahi. Cain chonset gitlou jeh in asopipa Abel athilo in ahi. Ajeh iham itileh Pathen in Abel maicham asanpeh a Cain maicham asanpeh lou jeh ahi

(Gen. 4:5). Cain in asopipa Abel chung a engsetna le thangsetna aneijeh in athat nin ahi. Engset le thangset hi diabol a kon ahi. Jesu thingpel a akikhet beh chu hougut mi (religious leaders) ho ama chung a engset le gitlou jeh ahin hichun chonset asosah in ahi. Hichea chun Pathen chate le diabol chate akilangdoh jin ahi; koi hile chonphat pan lou chule asopi ngailou chu Pathena kon ahipoi (1 Jn. 3:10).

2. Asopi hoa jong chu tolthat ahi John in toltha hi mihem thisan kiso a tahsa kithat ho bouvin aseipon, koi hile asopi hoa chu tolthat ahi (1 Jn. 3:15) tin aseiyin ahi; chule tolthat lung sunga tonsot hin kem lou achengpoi, tin jong aseiyeh. Mi hoa chule vetda hi Pathen ding a aphantmo danchu tahsa a mihem kitha toh kibangin John in aseiyin ahi. Hiejeh a chu koi hile keima khovah a uma kahi, tia asopi hoa chu muthima umnalai ahi (1 Jn. 2:9). Vetda hin thisan asodoh sa jing ahi. Iheng-ikom, iloi-ipai, inuipa chule isopi ivetda le Pathen mitmua tolthat ihitauvin ahi (cf. Matt. 5:20-22; Gal. 5:19-21; Rev. 22:15)

II. Ngailutna lhasam

John in 'ngailutna neilou ho' khu diabol chate tin jong aseiyin ahi. Diabol chate chu mi vetda chule mi ngailutna neilou ho khu ahive ati. Vetsahnan, Cain in Abel avetda ahiloule koiham khat

chun asopipa ham asopinu ham avetda chu ngailutna neilou ahi. Ngailutna dihtah hi huhhingna a kon ahi

Jesun ahinna eiho michonse te ding a afeh hi ngailutna dihtah chu ahi (Jn. 10:11, 15, 17, 18: 13: 37, 38; 15:13). Chutobanga chu eihon jong isopiho ding a ihin nau ipeh ule chu ngailutna dihtah ahi (1 Jn. 3:16). Christian te ngailutna hi self-sacrifice ahi. Jesun ahinna afeh banga eihon jong ihin nau ipeh ding doltah u ahi (Jn. 15:12, 13; Phil. 2:5-8; 1 Pet. 2:19-23). Ngailutna dihtah hi huhhingna neia kon ahi. Pathen in adihtah ho chu aheth ahi (2 Tim. 2:19). Ahin mihem in chonset jeh in huhhingna tahsan le tahsanlelna nei jongle Pathen in athe dehpoi, ajeh chu ngailutna jalla Pathen in themmo achan lou u ahi (Rom. 8:1). Hichea chu eiho thutah a kon ihive, ti chu iheth dingu ahi, chujongleh ama mitmua ilungu kinem jinga um ding ahi (1 Jn. 3:19).

III. Ngailutna hi danthu a kon ahi

Ngailutna hi danthu kijui a kon ahi (cf. Matt. 22:37-40; Rom. 13:8-10) Pakai danthu kijui hin kineosahna asosah in, kineosah tah a taona a kon hin lohina aumjin ahi. Jesu danthu itahsan uva iju u le khat le khat ikingailut dingu ahi; chule koi hile Jesu thupheh nit a chu Jesua

uma ahi. Jesun eiho eipeh-u Lhagao chun eihoa Ama um ahi ti aphotchet ahi (1 Jn. 3:23-24). Hichun tahsan, ngailut chule thungaina aumsah in, hichu huhhingna dihtah neihoa ahi. Lhagao Theng umpina kichang hi ngailut jal ahi

Mihem in huhhingna anei teng ama chu Lhagao Theng umpina chang ahitai. Hiche Lhagao Theng umpi na chun thaneina apen ahi. Luke in aseil banga

“... Lhagao Theng nachunguva ahung lhung tengle nanghon thahat nanei dinggu ahi (Acts 1:8) ati.”

Pentecost nichun Lhagao Theng aseijui te chungu adimset in, Lhagao Theng chun thaneina apen amaho pao chom pao chomin thu aseil un (Acts 2:4) chule thil kidang tampi jong aboldoh un ahi.

PATE DINGA MESSAGE

Hiche text a kon in thil ni aki-mun ahi, hichu Pathen chate le diabol chate ahi. Pathen chate chu ngailutna dihtah aneiyun ahin diabol chate vang chu ngailutna lhem aneiyun ahi. Pathen chate chondan chu ngailutna ahin, diabol chate chonna chu toltha ahi. John in toltha hi thisan so bou hilouvin lungthim a asopi hoa jong chu tolthat in

asim in ahi. Hiche hi Jesun numei le pasal kijonbol thua ahil, “koi hijongle numei jon lunga vea chu amanu chutoh jonga ahitai” (Matt. 5:28) atibanga, koi hile asopi hoa chu alunga tolthat ahitai.

Pate a dinga kihilna thei chu ahileh: tunia pate ho hi Pathen cha ihu ham ahilou le diabol cha ihu ham? Christaa huhhingna chu inei u hinam? Christa a dihtah a i-um le i-umlou chu itohdoh un aphotchet ding ahi. Dihtah a ina umkhah u le thutah le ngailutna nei tah-a na itoh dingu ahi. Ahin alhem chu ina hi khah ule vang itoh jouseu thutah le ngailutna beihel hiding ahi.

Conclusion

Tunin mipa khat hina a mopohna lentah khat po ihi taove. Mopohna lentah khat poa chu lamkai khat ahi. Lamkaipan thutah le ngailutna neitah a mo apoh loule lolhing louding ahi. Insung, khosung, vengsung, chule houbung sung hijongle lolhin lelina aum le amasapenna pate kikhol masah angaijin ahi. Bolkel, tokhel chule seikhel um tei ding ahi hijongle kineo sahna thei channa kineosah a, ngaidam thum nading dol cheh a ngaidam kithum hin Pathen kipana le lolhinnan eijui nadiu ahi. Pathen in phatthei eibohp-eh taohen.

WORLD ENVIRONMENT DAY

Henkholen Kipgen

Theme: "Connecting People to Nature"

Development Coordinator

S E R M O N

World Environment Day 2017

World Environment day hi Environment day,Eco Day chule achomlam'in WED in akihei, Vannoi pumpin 5th june nikho hi thupi tah'in Annual events khat in akinit ji'e. Kumseh in Theme le Slogan akisamjin Tukum 2017 WED Theme adia kistem chu "Connecting People to Nature"

Environment hi ipiham:

Environment hi Eipao 'a seidin Pathen in asemsa chule eipeh'u ikivah nadiu le ihinnadiu va ahinading bang tah'a thil chikim ahingthei le ahinglou ahivang'a mihing'a dia thil khoh tah tah ikom ivel a aumjouse hi eiho'a dia Environment ahi. Vetsah na'in Leiset, Hui(oxygen), Thingphung, Song, Tui, Nisa, Sa le Nga, Vadung, Tuikhanglen, Mol etc. Achung'a kisei hojouse hi mihem'a dia angaicha ngen ahi. Vangset umtah'in mihem kilaset nale pathen'in eipeh'u thilho ngailut'na belhel'a imoh suhmang mang jeh uhin ichennao leiset hi til to abang tapon, kikhelna akumseh in akimupan tan,asesa ho ijo kham kham uva isemhoi kit lou ule hahsatna tampi imakho uva ihin tobe diu ahi.

World Environment Day(WED) History

World Environment Day(WED) hi 5th to 16th June 1972 kum'a United Nation General Assembly le United Nation Environment Programme(UNEP) in United Nation Headquarter mun'a Conference aneikhom hon na'a kon'a hung kiphut doh ahi. Amasa pen din 5th june 1973 kum'in vanoi pumpi'a khopi len jouse'a anakimang pan'in, Theme masapen chu "Leiset Khat Bou Seh" ahi,

Epi ding'a World Environment Day init uham?

WED hung kipat dohna pipen chu Neh le chah hahsatna, Akum kum'a Gammang kisumang, leiset akum kum'a sacheh cheh, Hui thenglou pung cheh cheh,Kumseh'a Tuikhanglen 2.9 Mili-metre/0.11 inch a sang cheh cheh, hiche ho semphat/suhtang nading'a WED hung kiphut doh ahin, hiche nikho init lou'na pipen

chu:

1. Mijousen achung'a kisei tijat umtah Environment issue hohi awareness anei cheh nadiu.

2. Mijousen Awareness inei naban'uva ijokham kham'uva iti pan ilah uva asesa hohi isemphat diuham.

3. Ichen nao ikom ivel'a um Thing, Song, Tui, Ganhing hojouse hi amangthei ahin, venbit nading'a pan ilah cheh nadiu.

4. Itileh ikom ivel/igam sung uhi anen aboh akisumang in theng tah in mijouse aki'um thei dem. World Environment day nikho'a thil kibol ho.

Mi tampin anikho masang'a kipat in kigot na thupi tah anei jiu'e, mijousen pan alah nom nadiule anikho kiman lona pipen aheththei nadiu'vin in News Channels honjong pan nasa tah ala jiu've, Newspaper injong mipi hetthei nading in Environment issues, iti isemhoi diu ham chule iti pan ilah khom uva inopsah nadiu lampi hojong article hoitah tah ahin pe'e. National le International level injong Banner a thucheng hoitah tah kijih in Khopi sung'a Rallies achejiu've, Veng sung'a thilnen kipaithang ho suhtheng na nikho injong akimang'in, hiche nikho nile simlai chapang ho Environment issues ho ahethbe cheh nadiu'in Drawing/Painting chule essay competition school level injong akibol ji'e.

Chule hiche nikho ni'a akibol hoitah khat chu School, Ngo's, Social Workers, Govt, Dept officers chule milen milal hojousen jong thingkeh mun'ong lai ho'a thingkeh aphut jiu'e.

Mihem in Environment Akisuh set dan:

1. Plastic paithang: Mihem a dia plastic(Polythene) hi niseh a angaicha khat ahin, akiman jou leh apha pen chu suhtheng sel'a kitup tah'a koiding manchah nam phat leh mankitding. Plastic hi ahithe chan a hallhah lou'a manchah nathei chom chom manding aphai ajeh chu plastic akihal teng carbon dioxide tampi akisemdoh in hiche hin ozone layer asa sah(Thicker)in leiset asat dan apunbe sah e., plastic hi thil dang bang'in amonmang thei pon, Plastic paithang jeh'in thilnen apungbe be'in, then'nale damthei na asumang e.

2. Ganhing lungset nabe'i'a moh tha tha: Ganhing alen hihen aneo cha hijongle mohtha tha hi mihem a dia mannatah ahi, amahon jong panna anei cheh uahi, vetsahna'in vacha aumlouleh hon le lou a lung/ganhing ahat in muchi asumang e, Mihem in ganhing lungset na akinei lou jeh in ganhing tampi aki sumang(extinct)tan, ganhing tampi jong amang ding kon a um ahitai. Khatvei aman kal kinung mu thei ahitapoi.

3. Forest kisumang: Mihem adia

forest hi angaikhoh pen khat ahi, ajeh chu ihinnao hui(oxygen) hi thingphung akon'a ahin, thingphung tamlou na'a tuijong ahah in ajeh chu thingphung ajung in tui achop in chule tui akhol thei e, thingphung in leiset atuh det'in landslide/mudslide aveng bit e. Mihem'a dia Thingphung phatchom nahi seijoulou ahin hinla kumseh in mihem in thingphung akisunmang cheh cheh e. Kumkhat sung a vannoi pumpi'a thingphung/Forest kisumang jat hi estimate akibolleh Approx 77,327 Sq Miles ahi, aletdan hetthei nadin Manipur letdan hi 22,327 Sq Km bou ahin chuti'a ahileh vannoi pumpi'a mihem in kumkhat sung'a forest kisumang hi Manipur letdan jat 10 val lenjo hi akisumang ji ahi. Hiche rate a ichejom jinguleh forest mang cheh cheh ding a consequence chu tu'a sang'a hahsat na, dammo na, thina jatchom chom ihin to diu ahi.

4. Forest /Gammang ho: kimoh hallhah: Gamdang'a gamgot lai phatle kolphe(Lightning) akon'in gammei akatheh in eiho gamsung'a gammang kaho hi mihem akon ngen ahi. Gammang hung kah lona ajeh veohite.

A. Churup(Cigerate) chep ho kitup loujeh a. B.Gamsa tha natheh dia. C.Muchi tu nadia kihal. D. Bong le loi vah hon hampa phat nadia ahal. E. Ajeh

beihel'a boldi hetlou manle engset jeh'a gamhal jong aum'e. Tunia igelphat diuva dei umchu gammang ihal phat uleh imulou'u ganhingchikim ihallih thao ahi, chubanhle thingkeh, thingphung kum sotpi lut'a hung khang doh imacha louhel'a isuh mang jeng'u ahi.

Christian perspective of Environment: Christian ten itah san uhi leiset le asung'a umchikim(ahingthei le ahing lou) jouse hi pathen thilsem ahin, athil sem kidang simjoulou holah'a ama limle mel'a ahin sem mihem hi angai sang penahi. Gen 1:28-30 veleo hen, Pathen in mihem asemjou in phatthei aboh'in asemsa leiset chung'a umjouse chung'a thunei na apen ahi, hiche thunei na hi mihem in angaichat dungjui le kihinso na'a amanchah nading'a apeh ahi. Tunia igeldia dei'um chu Pathen thilpeh hojouse hi kitup tah le ingaichat dungjui'a iman chah uhi-nam? Ahilouleh Pathen thilsem ho suse joh'a ipan u hitam! Ichennao leiset hi masanglai a lungmong tahleh kipahtah'a ichennao leiset chu ahijou tapoi'thilsoh kidang dang akum kum in muthei in asoh e, hiche hi ahi nading bang'a thil aum tah lou jeh'a hung sohdoth ahi, avai gei masang'a ibon uva kitoh tahle lungkhat keng'a ichennao leiset ikisemphat phat ahitai.

PENTECOST NIA THILSOH

Rev Henjalen Doungel

SERMON

Thupatna

Pentecost kiti hi Greek pao pentekostos kiti thucheng akon kilason ahin eipaova somnga tina ahi. Hiche nikho hi Christian te hinpatdoh ahipon Juda ten Old Testament a Shavout atiu thucheng Hap-ta Kut tia anaman jio nikho a kona chu hung kila doh joh ahi. Hiche chu Kalchuh kut jouva nikho somnga lhinni chu ahin hiche nikho hi Lhosoh khoptup kut tia anaman niu chu anahipeh e. (Exo.23:16) Phat chomkhat jouvin Sinai Moula Pathen Thupeh Som anamu nao nikho mannachun ahin nei kit un ahi, ahin tunin hiche nikho hi Christian te phat simin Easter Sunday nikho Jesu Christa lhana kon thina gal jouva ahung thodoh nikho a pat simin ni somnga lhini ni lhagaotheng hung kibuh lhah nikho seina chun ahung kihetan ahi. Bible a thilkidang tampi kimin phah ho laha Pentecost ni thilsoh jong hi khat ahi. Hiche nihin Pakai Lhagaotheng mihem laha umdendin ahung kumlhan dinguh ahi. Matt.3:11

Houbung khang chu ahung kipan tan ahi.

Hiche nikho thilsoh ho:-

1. Pathen thutep guilhun na:- Hiche nikho chun Pathen thutep Themgao thusei anagui lhung e. Khonung tengle hitia hi hung um ding ahi, "...keiman mihem tahsa a hingho chungga kalhagao kabuhliah ding ahin, Nachateo pasal jouse le numei jousen jong Gaothu aseidoh uva..." Joel 2:28a

Lunghei na dinga keiman tuija Baptist kachan sah bou ahi ,... ama tahchun nangho Lhagaotheng le Meija Baptist nachan sah

ljeh inem itileh John chun tuija Baptist achansah ahin nangho vang tukal ni phabep joule Lhagao Thenga Baptist nachan dinguh ahi. Acts 1:5

2. Tahsan chate thahat sah Lhagao ahi.

Pentecost ni ahung lhun phat in vana konin Lhagao theng ahung kumlhan atahsan te chu thahat nale hansan na ahung petan thiding ging talou vin anikho chun khonung lhagao hinnading joh gelnat na lung thim ahin neidoh taovin kichat na umtalou vin

atahsan dungjui un tuija Baptist achang taovin ahi.

3. Houbung khang ahung kipan tan ahi.

Penticost nikho chu houbung kiphudoh nikho jong ahung hitai. Old Testament khanga Thempu Dan a kivai hom na khang chu ahung kichai jin Khang athah ahung kipan tai. Christa tahsan jouse ama tahsa puma bou hung hitalouvin Christa jal chun houbung khat tahsan khat ahung hitaovin ahi. Hiche houbung le khang chu Christa amatah ahung kit kah-sea um ding ahung nile kichai ding ahi.

4. Thilsoh ho:-

Pentecost nia Lhagaotheng hung kumlhah chun Lhagaotheng thilbol thei na atah langin, paochom paochom in thu asei un Lhagao adimset taovin ahi. Hiche a Lhagao pao kiti hi aseihon jong ahethlou Pathen thilbol thei na paocheng ahi. Pentecost nin anoiija kipe chenghi asoh in ahi, John le Jesu chung a kiphong a naotong chu tahsan chate juse chung ahung chutan ahi, Hichun thahatna apetai Hiche thilsoh chun houbung khang akipatsah in Jesu nungjuiho jong chu Lhagaotheng a kon hansen na aneitaovin hetkhah lou pao athouvin hiche nikho chu Peter in houbung khanga Pathen thu hangsan

taha aseina masapen chu ahung hin mihem sangthum langin hinna ana neitaovin ahi.

Thuchaina

Pentecost thusim hung kipat dan hi ivet leh atil chun hiche nikho hi Lhagaotheng natohtoh akisai na ima anaum poi, Chumalah in Judate chu loulhou mi anahi jehuchun Lhosoh khothup nikho kipa na Pathen anga kilhaina semni anahin, chubandin Pathen a kon danthupheh anamu u kipa na nikhon anamangkitun athumchan naa Lhagaothengto kisai hung hibep dan ahi. Hijeh chun Pentecost nikho a Lhagaotheng hung kibuh lhah hi Pathen tohgong amite asanga sima lhagao vakon huhhingna ahin nei nadingtohgonganahitan ahi. Chuche nikhoa Pentecost thilsoh hung mu a Peter thusei akon hina hung nei hojong chu Hapta kut mang dinga hung anahibou un ahi. Ahin Peter in Lhagaochang pumin Pathen thu ahin seitan ahileh ajaphachan (houlamkai ho tilou) chonset kisiha ananei taovin Lhagaotheng natohtoh na akon tonsot hinkem lou ananei taove.

Tunin sopi nangjong Lhagaotheng Pentecost nia hung kumlhah chun naumpin tonsot hinna nanei nadin Pa koma natopehjin-ge.

GOSPEL THILBOLTHEI NA A NGAIDAM LAL AUMPOI

*Pu Thangkholun Haokip
C/C B.Vengnom.*

SERMON

Hiche kimelmahna huoise penpenna kingaidamna kidangtah thusim hi sim inlang Pakaiyin napeh Hinkho chomcha hin namol-lempi masangin ngaidamlou lai naneikhah le ngaidam ding in kigongin, gospel thilbolthei na ahin ngaidam joulou aum ngai poi-ye. Pathen houpina chang ding in apoimo leh avel velin ana simin.

Pathen helou hon jong angaidau theilou diu, Pathen he a gingho dehdeh a dia kipana mitlhi luonglou theilou chu Jacob Deshezer le Mitsuo Fuchida te nin Jesu Christa jalla ngaidamna ahin mu lhon le Amani ngei jong akingaidam lhon na thusim hi ahi.

Mitsuo Fuchida chu kum 39 alhin kum apien nikho apat anili chani, December 7, 1941 Patheni jingkah pung 7.49 a Pearl Harbour buluna achun Japanese Top Gun Commander in a pang in ahi, Fuchida in ami ngaisang pen chu Adolf Hitler, Japan gallaija Germanente lamkai lenpen, leiset pumpi het khamset a khamse, juda mi million 6 that a vaihom khum pa chu ahi.

Fuchida hi Japante kidouna vanleng 360 jen a alamkaiya pang ahin, Koima kigin manna umlou hielin Huipi hattah hung nung-phut bang in phulou helouvin Pearl Harbour chu ahung bulutauvin ahi, Pungkah ni bep sung chun Americate sepia mi 2403 athi jeng uvin 1178 akitongkhauve. Galkap vanleng 169 jong kapset in aumin galkap Kuonglien jong kapsetdeh in aum in ahi. Arizona kuonglien chu manthei kit talou ding in asetan, Oklahoma California le West Virginia chu Tuipiah alhalhum tauvin ahi. Hitabang galjona jeh in Fuchida chu alung alhai mama jeng in, ahinkhoa niloupi pen in angaiton ahi. Ama touna Vanleng chu veitampi kapkhah ahin ahinlah asohcha cha jeng in ahi. Kiletsahpi khamset alhingtan ahi.

Hiche Pearl Harbour chu Fuchida Lamkaina a Japan hon abulu laitah uchun Jacob Deshezer chu Oregon a US Army base camp

a asam akitan pet ahin, Radio a Pearl Harbour kibulu natsatjie chu ahung kisei chun alung ahang vallin asamche na bahche chu bangsenan anei in, "Japanen athilbolu hi amukit tei tei dinguh ahi" tin apengjah jeng tan ahi.

Phat chomkhat che jou nung in "The Doo little Raiders" hung kiti squadron ah Japan gam bomb khe ding in Deshezer chu ahung kipedoh tan ahi. Pearl Harbour kibulu nung lha 4 jou, April 1942 chun Najoya khopia chun phuba lahna ding bomb chu thangtomna dimset lungput pum in aga kheh khum tauvin ahi, Akilekit lang uchun alenau vanleng B25 chu athaotui ahung beiyin Parachute a china gam Ningpo, Japante luokhumna muna achulhah maiyu angaitan ahi. Ajing mama chun Japanen aman tauvin, Tokyo songkul a damsunga tang dingin Emperor Hirohito in aphongdoh tan ahi. POW (prisoner of war) in lha 40 vingveng chu aum tauvin ahi. Lha 36 sung chu ama bou insung neochakhat sungah akhum uvin ahi.

Aloiho mi thum chu akap lih taovin, khatpa chu kiel thohjou louvin akielthi tan Deshazer vang chu asugenthei lhez jengun ahi. Avohnau le neh ding apeh dudahlou jeh uchun agenthei mama jiengin ahi, Deshazer in nidanga Gospel ana mudana, vetdana chu lungsetna in akhel-

doh thei ahidan ageldoh jung jung jiengin ahi. Ama velha ding leh chingtup dia kikoipa koma chun Bible athum tan phat sotelou chakhat asimthei din phalpeh ahitan, aman jong Bible chu thulhunlui le thulhunthah asimchai tan ahi. Achonset dan le agitlou dan ahung kihedoh tan gitlouna jeha amatoth Pathen kikah kikhentan ahidan le Jesu Christa thisan jalla Pathen toh kichamna unthei ahidan ho ahin tahsan tan ahi.

June 8, 1944 nichun Deshazer in Rome 10:9 ahinsim doh in "Nakam in Jesu chu Pakai ahi ti naphona mithiho laha konin Pathenin akaithouve ti natahsan le huhhinga naum ding ahi" ti ahin mu phat chun alungil ah Jesu chu ahinpom tan Pathen ngaidamna chu kichentah in ahin hetan ahi.

Hiche ni chun atahsa asuhgenthei nau gilkieltah le lhasamtah somai mel chu kipana le ngaidam nomna lungthim melputin alodim tan ahi. Hinna vah chu amuchien mama tah jeh in Pathen ngaidamna jalla ajalenna loupitah chu achan tah jeh in ama sugentheiho mel jong lungstna mel in ahin mutan ahi.

"Pathenin lhagao lang mitthah eipeh tah jehin Japan sepai lamkai le sepai eilungset louho an ngola eikoia eijep jingho kammudana abeikeitan ahi. Ajeh chu amahon kahuhhingpu

akimulou jehu ahi. Christa neil-ouho umdan le chondan ding mong ahi, ti kamu in kalungset mama tan ahi" tin akikhel nathu chu ahin jihtan ahi. Pakai Jesun Cross chung a "Hepa amahohi ngidamin athilbolu hi ahethlou jehu ahi" tia ataona bang in Deshazer in jong amelmate chu ahin taopeh pan tan ahi.

August 20, 1945 nichun gal kichaina le kichamna thu phon-jalin ahung umtan ama jong ahungpot doh tan agam lang ajuon taan ahi. Akipehdohna suhbulhitna dingin Seattle Pacific College ah alutin missionary a che dingin akigong in kijilna ahin pan tan ahi. Japan te chu kipana thupha seipeh dingin ahung kigongpan tan 1948 kum in ajinu Florence toh japan ahunglung lhon tan ahi. Agam sorkar in Galhang Choi-att na "Distinguished flying cross le purple heart" anape tauvin ahi. Agama dia sepia hangsanho laha apan jouva Christa sepia galhangsan dia ahung kipehdoh hi kidang tah ahi. Christa sepai hina achun phuba lajou chu pasal pha le hangsan hijo talouvin ngaidam jou chu pasal pha ahi ti sulang in ngaidamna le lungsetna kidangtah toh Nagoya khopi ajuon in apansah pa Pakai houin khat jong ahong doh tan ahi.

Pathen thilgon dan vang aki-

dang in ahi. Asugenthei te aman jong amuda mamate chu lain-atpi le lungset mama in japan gama Pakai kipana thupha keo sei golouvin lekha neocha jong ajih in "Japante henkol in kanatang e" ti minvo in alekhasut chu ama khut ngei in ahomin ahi, nikhat hi ama khut mama a pat in Pearl Harbour buluna a lamkaipa Mitsuo Fuchida chun alekha hop chu ahung sang khatan ahi, "Min amuda mampale kamuda mamapa hung kitokhah le alunggil kikheltasa le ahung kikhel pai tading keini hung kitokhah chu aseididan helouvin kidang sah nan kadim in ahi" ätijeng in ahi.

Pearl Harbour a America ho tam-tah atha jeh leh akuonglienu le alennau tamtah suhsiet jeha kipah mama Fuchida chu gal kichai nung chun alungthim Pathen in anaguon hiding ahin Osaka langa loubol in niseh le lungel inphat ana mang jingin ahi. Americaho hibang lom loma amuda jinghi kidang asa in, leiset ahin kingaidamna le kichamna umthei leh ong tia lung ana geljing laitah ahin ahi. Deshazer testimony asim chun alungthim akhoi lheh jeng tan ahi, Alung-giltah a ahol jing lhamuonna chu Deshazer in anamu masajo tai ti ahethan ahi.

Deshazer hinkkho sudanglam chu Bible ahi ti aheth jeh in aman jong ahin simpan tan ahile

Luke23:34 ah Pakai Jesu amel-maho dinga atao "Hepa amahohi ngaidamin athilbolu aheth lou jehu ahi"tihi alungthim akhoi khalheh jeng tan ahi. "Jesu atao-na ahin keijong kajao tha e ti amuchen in kagam kangilut jeh a mi tamtah kanatha chu kana kipapi in Jesu lungsetna kahet-lou jeh ahi ahinti tan ahi.Americaten gal hing a amat u ahung potdoh panpan lieutenant khat chu aga kimupin America songkul achun itobang a babol uvam tin aga dongin ahi,Ahin donbut na chu kidang asalheh in ahi.

America songkul a chun lungsetna tah in eisinuvin kalungilah mudana vetda na thetna le kalungnat nau chu abeitan ngaidamna le lungthim nopna toh hinkho kamanguve.Adehin nungah chapang khat Margaret Peggy Covel kiti khat kum 20 ding bep in suongkul achun eihung vil jin Magazine leh Newspaper ho jong eihin choipeh jing jie.Adamlouho chu lungsetna neitah in eijen jiuvin ahi,Ipi dinga hitia hi Japan sipai songkulla umho neikhoto uham katiu le "Kanule kappa chu Japanten anatha jeh u ahi" tin eidonbut uve.Japante lungthim achun Inu-le Ipa thatho imuda kal a lei-setna muda le vetda ding dang umlou ahi in hitabanga nungah chapang khat in athilbol chu kidang kasalheh jeng in ahi.

Ajeh kadoh ule anule apa chu

Phillipines gama missionary ahilhonin gal boilai tahin gamlah a akisel nauvah thuguh polea ngohna aneiun anathat un ahi. Anu le pa tahsanna le ama tahsan najal achun amuda pen dingho chu ngaidam a lungset ding joh chu alhen joh jeha Japan sepai songkulla umhochu akhotoa alungset ahithu kahet uchun kangaitonau akikhel hel jeng tan ahi.

Hiche thu hi Fuchida Lungchang chu ana khoui lkeh jengtan ahi. "NO MORE PEAL HARBOUR"kiti lekhabu jih ding kigong jinglai apansat na ding dettah mujou louva aum jing laitah chun hichehin ahohol chu amutan ahi.Hitabang lungil sung tah a thilkhat amu ding thupi tah amu nailou um ahi ti agel jing laitah hi ahin Jacob Deshazar track homa akhut ngeiya ana kisan chu!

Pearl Harbour abulu nung kum 8 jou September 1949 chun Luke 23:34 asim jouvin adiilsun lengho leng Pakai ho Pakai huhhingpu Jesu chu alungil tah in akisan tan ahi. Adolf Hitler juia galhang minthang hia lung oi guopa chu galvan khat cha panglouvin lungsetna a gam lapa leng Jesu jui dingin ahung kipedoh tan ahi.Alekhabu jih amin ding jong amasapa hitalouvin "FROM PEAL HARBOUR TO CALVARY" ti ajih jo tan ahi.

Leiset mitmu jenga kidang le lungthim khoi chu Jesu Christa thisan jala ngaidamna kidang tah jeh a Pearl Harbour buluna a lamkai Mitsuo Fuchida le phuba lahna dinga Japan khopi Bomb lhahdia kipedoh Jacob deshazar mudana le phulah nomna lungchang chu Christa ngaidamna gospel in asuh lamdang a Jesu Christa sepai hangsan dia ahung kipeh kipana thupha phongjal lea seikhoma kal songkhom tokyo khopi crusade a mihing asanga simho mai a chibai ahung kiboh lhona ahung kikoi lhon chun mipi jouse lung-sung asukha lheh in mit a konin kiipana mitlhi along jenge.

Van mite jong dingdoh leova khutbeh puma ana kipapi ngei diu ahi, "Kingaidamna chibai hi van khopi athongleovin ahi" Deshazar le Fuchida kingaidamna chibai le kikoitosah gospel bouvahin jona aum in ahi.

***"NGAIDAM LOU AUM NAHLAI LEH
NGAIDAMIN LANG, NGAIDAM THEI
UMNA DING NAHETDOH AUMLEH
GACHEN LANG GATHUM JENG IN,
NANG KIPAH PEN DING NAHI."***

Lekhabu jihji khat in kalung suna mama khat kangaidam leh ama dinga thilpha bol kahi pon keima kasongkul tana akon kilhadoh joh kahi anatin ahi. Mi ngaidam lou nei jiinga hinkho mangah nahile lhagao lam cancer vei nahin nikhat leh damdoh jou taloudia nahin neh jou ding ahi.

Aphat laihein ngaidam in, a zalen dingchu nangma nahi ding ahi. Kingaidam nahin eiman mi ingaidam ding lang bep asei pon koiham nachunga lunghang jing lhase jing koma ngaidam thum ding jong bat nanei maitdhei ahi.

Pathen anga kuna taona nei mi nahi le koi hamkhat koma ngaidam na thumna ding jong ahin komu ngei ngei ding nahi. Min amelma jong ngidam jouva chu!!!

TRIPURA MISSION FIELD SURVEY

REPORT

Amasan Tripura gama mission natoh nading to kisai ja Mission Board field survey report bolthei ja kaum jallin hatchungnung Pa-then kathangvah in anoijahin achomlamin kahin tahlange.

17th May nin Mission Board Chairman Pa Jamkhotang Haokip lamkai nan Rev Henjalen DOUNGEL Mission Secretary, Pa Lhunthang Mate V/Chairman chule Haopu Singsit Board member kanavai

konui.KBC office munna Rev. Ngamjapao Haokip Gen.Sec-etary in Pathen henga taona amangin jingkah pung 7:00 am in kanakipat doh uve.Noney Bazar a Jing ann kanepa un nilhahlam 4:30 pm in Silchar ka-galhung un Mission Compound a kagehpa un ahi. Gena touna eisuh tup pehu Gl.D.Thangneo Haokip Research Scholar chung-ga kipa thu akiseije.

18th May ni jingvai Anneh jouvin kakal song pan kit un Bazari Chera kiti Assam Tripura border a World Vison a natong sopi Ngamneo Haokip le sopi Thongkhup DOUNGEL koma kajan gehpao vin ahi. Ngailut le homtho tah in eina lemun "Nangho hung ding hi Pathen hung ding nga a kana nga u ahi" atiu ve. Anneh tuidon lup-na touna hoisellin eibol peh un achung uva kipa thu akisei je.

19th May ni jingkah 6:00 am in

kakipat doh kit un Dhalai Dis-tract Head Quarter Ambassa chu jinglam 10:30 vel in kaga lhung taovin ahi. Hia chun Sai-som Sajai Baptist Association a Executive Secretary Rev.Peru-mal Kaipeng in einalam tou vin ahi. Ajinu hi Mrs Lalparmawi ahin Rengkai Churachandpur akon ahi. Amanuhi hiche gama missionary a anavaikon masa ahin Rev. Perumal to hin hung kicheng hon ahin tuhin chanu ni anei honin ahi.Insungmiten jing Ann tuitah eineh khom piu vin sunin kakichol do taovin ahi. Nilhah Anneh jouvin Saisom Sajai Baptist Association lamkai ho Association President pa Rev JK Roulkhum lamkainan touk-hom na kanei un ipi lam penna Pathen na itoh khom diu ham tia lunggel akinei khom in ahi. Hia chun amahon missionary angaichat danule agamsunga Evangelism ngaichat ahidan aphongdoh un hitabanga KBC

Mission Board gakikalson hi Pathen tohgon ahi atiu vin kipa thu aseijun ahi. Dhalai District hi Kukiho jaona a nam li lang chenna ahin KBC in nadei napen pen uva Evangelism na natoh thei u ahi atiu vin ahi. Hichun hiche thuhi CEC a poh doh a chule khovei KBC Assembly pass bolla chuteng Mission Board in pan lahdin gel lhah na ahung kinei tan ahi.

20th May nin Tripura Capital Agartala a Evangelical Synod Church (ESC) te Pathen natoh dan vetlhah na agakinei jin alolhin nao thuguh Rev Letthang Gangte toh kihou limna agakinei jin ahi. Kum 2004 a Field a tahsan cha mi 6-7 bep ananei te chu tuhin Missionary pu le aji acha Thadinga kisuh genthei na sangpen atou thisan jalchun tahsan cha 600-700 lam anei taovin ahi. School jong abol un alolhing lheh in Pathen in nasatah in ESC ministry hi aphung vuh in ahi.

21st May 6:30 am in Agartala akon kahung doh un Jorhat kahin jon taove. Ahin nikhat a lhunjounading ahilou phat in Halflong Assam a kahung gehpa kit taove. 8:00 pm in kaga lhung un hia chun sopi Seilun Singson le insung miten lhun na touna anneh tuidon hoisel in eisem peh un kipah tah in einalam touvin ahi. Insung mite chuga Pathen minin kipa thu sangtah akisei in ahi.

22nd May 6:30 am in kahung kipat doh kit un Jorhat nilhahlam pung 5:00 in kahung lhung taove. Hia chun KBC office a kon Rev Ngamjapao Haokip Gen. Secretary, Pu Onmang Haokip M/E Board member chule Pu Onkholun Haokip board member ahung khomun Jorhat khopi ETC Guest House a kaga lhung khom taovin ahi. Arunachal Tezu a KBC Hostel thenso dinga che Mission team chu ahung lhing tai. Hichana Tripura Mission Field Survey kibol lolhinna eipeo Pathen Kathang vahe.

TEZU A KBC HOSTEL KITHENSO TA:

23rd May ni jinglam 6:30 am in Tezu Arunachal jondin ETC Jorhat a kon kanakipat doh taovin ahi. Nilhah lam pung 4:30 vel in kagalhung un Arunachal field a um Pastor Nabin Narjinary, Evan. Seiminthang Kipgen, chule Evan. Haolenlal Kipgen in eina lam touvin ahi.

Ajing 24th May nin Pu General Secretary pan nan KBC Missionary ho mopohna houbung ho villhah na agakinei jin ahi. Hihochu Danglat Baptist Church, 20 Mile Baptist Church chule Shivaji Nagar

Baptist Church ahiuve. Houbung ho laha alenpen Bekhulieng Baptist Church vang agamat jehkeo hilou vin tuilet jeh in agakivil thei tapoi. Nilhah 2:00 p m in MBCC lamkai ho to kihoukhom na akinei jin ahi. Hiche kihou na achun achesa 2013 kum 20th February nikho a MOU signed anakibol chu aphot to kitoh in semphot na akinei jin chule kum 20 (twenty) adin sutjomna signed akibol phan ahi.

25th May ni Hostel thenso nading nikho ahito lhonin jinglam 10:00 am in kin akipan tai. Pa Onmang Haokip Board Member in programme conduct abolin, Rev Henjalen Dounge Mission Secretary in Hostel kibol lona ajeh Key note address apen Rev Ngamjapao Haokip KBC General Secretary in Pathen minna kot honna aneiin ahi. Pastor Nabin Narjinary in Hostel kisah na chung a report apen, amun houbung le Bekhulieng houbung nungah gollhang hon vahchoila asao vin ahi. Kinjouse kichai jin ahung kikhom jouse kipa ankong sokhom pina akinei jin ahi. Kipa umtah chu hiche Hostel thenso na a hin houbung mi 100 val ahung kikhom doh jou vin ahi.

Hiche Hostel kum 2012 a anakipan chu sumle pai lhahsam jehin anakijou joupon tunin tohle tham neo neo avat umnalai jong le umnathei din ijou thei taovin Pathen thangvah na ipao vin ahi. Hiche natoh jothei nadingin sumle paijin Mission office pang jong le natoh le tham jouse vesuija pang a Pastor Nabin Narjinary le Evan Seiminthang Kipgen chung a jong kipa thu akisei jin chule jo thei nadinga thilpeh le taona a hung pang jing KBC houbung mite jouse chung a jong kipa thu akisei je.

Hiche Hostel TABITHA GIRLS HOSTEL tin akiminvon akipat kuma student 20 bou kikoi ding chule Evan Seiminthang Kipgen hi Hostel Warden cum Chaplain a pang ding ahi. Chihna holla lekha simlaiho Pathen thua puikhang na anei ding ahi. Amale ainsung mite din jong taojing u hite.

Hiche Hostel joa aumjallin Pathen koma kipa thu sei u hitin chule mabana amachaljing nadin taonan gel doh jingu hite. Pathen phatthei boh jing taken.

Rev. Henjalen Dounge
Secretary
Mission & Evangelism KBC

NUTE NIKHO KIMAN NA HO CHUNGA KIPA THUPHON

Amasan Houbung mithengte ho jouse imunpiu KBC Office a konin ngailut nale jana Salaam Pakai minin kahin pecheh uve. Tukum 2017 Nute Nikho Thupi: NU MANLUT DAN. (Prov, 31:10-31) ti mangcha a amun mun'a Gambih level hihen Houbung level a hijong le Nute Lamkai hon pan nasatah nahin lah uva Programme hoitah tah a nahin kisem uva, Nute ho mopoh na hijongle Gambih sung hole Houbung sunga Pate hole Khangthah te hon jong Nute ngailut na



Mun chomchom a Nute Nikho kiman na ho

jalla phatah a support nahinbol uva kipah tah leh thanom tah a NUTE NIKHO Loupi tah a iman cheh u akihen nachung cheh uva kipathu Convention Nute ho jouse thalhengin hiche Thuso mangchan ahung kiphonge. Chuleh tuchung Nute Nikho nia muntin'a Pakai lhacha Speaker a pang ho jouse chungga jong kipana sangpen Pakai minin ahung kiphonge. Pathen in tukum Nute Nikho kiman na a kon in Nule cha kikah hihen insungle Houbung sung chule gamsunga kingailut na hinpun sahbe henlang cham le lungmon na hinlansah jo taken. Kakipah e.

LOLHIN NA CHUNGA KIPA THUPHON



Kipa umtah KBC nuten Lydia Girl's Boarding hi 2016 March Iha a ana kibol pan hijongle Pathen lungset in Boardinga um mi 10 um ho chu CI-XI

simloi , Class XII simloi chule Accelerate a Coaching laloi ahiuvin, Class XI simho jong Result sangtah tha in ahungun, adeh in CI- XII sim mithum ho tuchunga HSE (CI- XII) Result kiphon na a chun a thumuvn ho 1st Div ahin musoh theijun Pathen thangvah aume. Amaho chu (1) Hoineichong Baite (1st Div) Sielmat Christian Hr Sec, (2). Neikimlhing Singson (1st Div) Sielmat Christian Hr Sec,(3) Ngak-dimjou Misao(1st Div) Young Pillars College ahiuvin, Chate mithum chungu jong Nute jouse thalhengin kipa thu sangtah in ahung kiseijin Pathenin maban a jong phatthei bohjing taohen. Nuten jong itohga masapen u imuthei na chunguva taona le thilpeh a pan hinla Gambih le Houbung chule Changval a hijongle nachung cheh uva kipa thu ahung kiseije. Pakaija itoh gimnao moh ahipoi ti iheuve.

GAMBIH WORK COMMITTEE HO HENGA HETSAH LE TIEMNA

Pathenin dam na eina peh le ahung Ihung ding July 28th, 2017 Friday nikho tengle hin KBC Office mun'a One Day Women Leaders Meet 2017 tia nikho khat kisuh hal na Program neikhom ding tin Women Work Committee'n kiphat sah ahung kinei'in, hijeh chun Gambih no. 1 - 20 sunga Gambih Women Work Committee member jouse le Convention Women Work ho apanglou umthei lou ding tin kinop tona jong akinei'in, Chuti ahijeh chun Gambih tin a Work Committee member hon Program jong atum a hung kithot ding ahinan, hijongle ina kigot theina diuva amasanga hetsah na hung kinei ahin, hiche nikhoa hi toh ding tham ding umjongle ina kisuh ong cheh diuva hetsah na hung kinei ahi. Pathenin ikiloi khomnao KBC Women Department phat thei boh jing taken. Kakipah e.

Pakai lhacha,
Lhingjanem Haokip
Secretary, Women Dept, KBC

BQ 2017 POSTER LE APPLICATION FORM

Gambih jouseah BQ 2017 poster le application form ahung kithot doh sohtan, hito Ihon in Gambih jousea Youth Department ho mopohna lhingset akipen ahi. Gambih Youth Executive in houbung jousea ichansah uva, poster jong Houbung, khosung dung jousea itahdoh sohkeidiuva hetsahna ikinei kit un ahi.

BQ Application form alhing lou aumkxah leh Youth Secretary toh kijahto jinga kilahbe jingthei ahi. Hiche BQ a hi apang nomjouse pangthei ahi ti geldoh puma nulepa pilepu tenjong pan hatah a inaluh diuva jong temna ikinei kit u ahi.

Gambih sunga Exam Center ngaicha hihen khelding hijongleh KBC Youth Secretary pa kijahto pia koibe thei chule kheljing thei ahi. BQ a din pan lautin kigo jing taute.

JUNE BYPF TAONA BIDOIHO

BYPF hi lhaseh a Last Saturday nilhah a kimang jing ahijeh in tulha June a jong BYPF nilhah a itaonauva igeldoh jingdiu phabep Taona Bidoi akigong in hiche hochu:

1. KBC Youth sunga Govt. Service bolho ding
2. KBC Youth gamchom'a company natong hoding
3. KBC Youth gampam'a lekhasim hoding
4. KBC Youth Bible simho ding
5. KBC Youth sunga Pastor, Evangelist, Missionary hoding
6. KBC Youth sunga Service holho ding
7. KBC Youth sunga thinglhang natong hoding
8. KBC Youth sunga Pathen ginna umnading
9. KBC Youth sunga Pathen natong kispdoh nading
10. KBC Youth ho Pathen Houdanthenga jinei ataman ding

KAHIN LHA CHEH UVE

Gl. Pastor Onkho Haokip, KBC Youth ngailu l'heh jongle chun Youth dalha louthei nahi tah loujeh in nangman jong Christian insung

nasemkhompi dia nakilhen Ng. Dr. Nemneivah Haokip hitoh Pathen janggop changlhon ding nahi lhontah jeh in nakhanglai chankhompi KBC Youth ten nakhandon lai hinkho kavailah uve. Pathen in malam'ah nahin puijing lhon taken!

Ng. Dr. Nemneivah Haokip, Phat le nikho ahung chaljingin nangma jong KBC Youth ngailutna jalla pan nalah nale gunchu tah'a KBC Youth a Pathen na nahin tohna hojong mildin alompon, Youth ngailu l'heh jongle chun hinkhoa nachenkhompi na-angko'i dinga nakilhen Gl. Pastor Onkho Haokip toh Christian insung nomtah hinsem khomlhon dingin KBC Youth ten kahinvailah uve. Pathen in nakengnei na'ah hamlevang nabohjing taken!

LITERATURE COLUMN

LITERARY MEET 2017

Organized by Literature & Publication Department

Pakaiya ngailut um Houbung mite jouse le Pakai lengpi leiya tohk-hompi Gambih lamkai ho le Houbung lamkai ho jouse nabonchauvin Pakaiya jana le ngailutna Salam kahinpeuve!

Literary Meet ding chung changa phat masa a lekha hung kih tot chu inamutah diu tahsan aume. Iham tia anamu khalouho ding le anamusaho dinga avela geldoh kit theina din hiche thuso mangchan hetsahna ahung kinei kit e.

Anikho :12th August (2nd. Saturday), 2017.

Amun : Centre Church, New Lambulane, Imphal, KBC No. 1

(Aphat - nidan i'jat apat i'jat chan hidingham tihi Detail Program ahung kitem phat le hung kithot thoding ahi)

Literary Meet Kigonlona /Tup le Doi

Hiche LITERARY MEET 2017 kiti hi KBC sunga Literature, adeh a Sunday School (Christian Education) lampanga khantou machalbe theina ding lam to kisaiya miho lungthim suhthou/chothouna le tilkhouna dinga kigong ahi.

Kitetna Ding (Competition Item) Ho

1. ESSAY WRITING COMPETITION

Topic : SUNDAY SCHOOL KHANTOU-MACHAL BENADING LAMPI

Apangthei ding ho : Senior Class ho le Pilhing Class ho

Last Date of Submission : 30th June, 2017 (Thadou-Kuki paova jih ding)

Hiche kitetna a pangnom jousen KBC Office a Literature Secretary koma Rs. 50/- a akilah ding, Form kilah lou pangthei louding. Ajih ding dan achen achaiya hetsahna ho Form a akipetai.

2. Poem/Poetry Writing Competition

Topic : SUNDAY SCHOOL

(Hiche kitetna a pangho chun Sunday School phatchomna thu jaila (Poem/Poetry) a thadou Kuki paova ajih doh diu ahi.

Apangtheiding ho :

Intermediate Class ho

(Intermediate 1,2,3 ho abonuva group 1 a gopding)

Word Limit : Minumum (alhompen a) 100 words, Maximum (atampen a) 150 words

(Hiche kitetna a pangnom jousen KBC Office a Literature Secretary koma Rs. 30/- a Form akilah ding, Form kilah lou pangthei louding. Ajih ding dan achen achaiya hetsahna ho Form a akipetai)

3. Quiz Competition :

Jih louva Seithoding (Oral)

Apangthei ding ho : Pilhing Class ho le Senior 2 Class ho

Pilhing Class : 2017 Simmun 1-10 (Ruth protion)

(Bible Text to kigoma simmun bua kona kidong ding)

Senior 2 : Christian te Tahsan Kihilna by Silas Jangminlen Haokip

Simmun 1-15 *(Simmun bua kona kidong ding)*

4. Painting Competition

Apangthei ding ho : Junior Class ho (Junior 1,2,3 group khat bouva gop ding).

Hiche hi Sunday School lam to kitoh a thil/lim jih le jephoina/Drawing & Painting kitetna hiding, hiche kitetna a pang ho chun athil jih u chu athua jong hilchetna apeh/ajih diu amandiu lekhabu chu Drawing Paper Chart a size len hiding.

5. Choreography

Apangthei ding ho : Junior class le Intermediate Class hoa kona mi lhentoh ding , alhompena mi 6, atampena mi 10 hiding, Houbung khat a Group khat in bou pan alah thei ding.

Competition Item ho Conduct Bolding Dan

1. Essay Writing le Poem Writing Competition:

Hiche kiten a teni hi chung a kipe banga ajihchaisa jousen athil jih u chu akilah sau Form to ahin kilbeh uva ageipena 30th June, 2017 sunga Literature Secretary koma a submit diu, Literature Committee in avedinga alhen houvin avet diu ahi.

2. Quize, Painting le Choreography :

Hiche kitetna ho hi Gambih Pastor pa lamkaina (Organizer hina) a Gambih lamkai ho le Houbung, Houbunga Sunday School Superintendent ho kithouva Gambih level a Conduct ahinboldiu, Quize a hi Gambih level a asangpen 3 (First, second, third) ho chu Cnvention Level a dinga ahinsoldiu, Painting a hi Gambih Level a asangpen 2 (First le Second) ho chu Convention Level a dinga ahinsoldiu, Choreography a hi Gambih Level a asangpen (Frist) bou Convention Level a dinga ahinsoldiu ahi. Gambih Level a pa hi July 2017 sunga ama ama gambih in pha asah nikho le phat a aboldiu ahi.

Hiche kitetna hi, Houbung Level a Houbung Houbunga Sunday School Superintendent ho le Jilkungho kithoa, chuleh gambih Level a gambih Pator le gambih lamkai ho kithoa KBC sunga Sunday School (Christian Education) khantou machal ding gelkhohna jal a phatah a Organize ihinbol teidiuvin temna ahung kineiyn ahi.

(Pastor Haoneo Haokip)

Secretary

Literature & Publication

Kuki Baptist Convention

KBC THUSO HETSAH

KBC THUSO ngailua simjouse heng a hetsah le temna nom chu ahileh Thuso lah man ihin gelkhoh cheh uva iki suhtheng jing diuvin hetsah na ahung ki neikit in ahi.

**Kum a : Houbung le Department Rs 300/-
Changval/Individual - Rs. 200/-
Post a : Rs. 250/-**

KBC No. 19 E. Mulam Area (Saikul)

NUTE NIKHO LE KISUHHALNA LOLHINGTAH A KICHAITA

Gambih adia amasapen Nute nikho leh kisuhhalna kingon E. Mulam Gb. Centre munna lolhing tah in 14th May 2017, Sunday nikho in gambih sunga houbung lamkai, haosa upa tampi jaona in ana kiman-gin in ahi. Kingon lhandohna Rev. T. Thangkhoisei Haokip, Gb. Pastor

in ana neitoh Ihon in Chief Guest Pu Yamthong Haokip, MLA, Guest of Honour Pu Lunkhohen Haokip, MDC leh F/President Pu Seikholal Haokip, MDC chengin kin



ahung op un tilkhouna le kithopina jong ape cheh un ahi. Thanop umtah khat chu Chief Guest Pu Yamthong Haokip, MLA pu in gambih khantouna ding le machalna din ama local fund a kon Dk. 10 lakhs kapeh ding ahitin aphongdoh in ahi. Gambih sunga Houbung 15 Nute a kon vetnom umtah tah lamna, lasahna, Skits, Bible sim, Cul-tural dance abol un mihem 1000 val go le dai noiyn akikhomdoh in ahi. Gambih level a akiman toh Ihon in gambih sunga Best Mother award Pi Lamkhoneng Haokip, L. Salempchai Haosapi in akisan in ahi. Thanop umtah khat chu Haosa Nupi (Haosapi) tamtah in item ho a thanomtah in pan ala cheh un ahi. Competition Result: Group song - 1st - Gangpijang & S. Saisijang Women Dept. 2nd - K. Moulpi W/Dept. Choreography: 1st - K. Moulpi, 2nd - E. Mulam, Skits: 1st - N. Chaljang, 2nd - P. Khonomphai & H. Champhai, Bible recitation: 1st - L. Shongphel, 2nd - T. Lamkajang in akisan cheh uvin ahi.

Kakipah' uve

Pathen in Gambih Nute phattheiboh taken.

Hekim Kipgen
Women Secretary
KBC No. 19

Nengboi Haokip
Women Chairperson
KBC No. 19

MEN DEPARTMENT TOUR LOLHINGTAH'A KICHAITA.

Pathen phatna jallin KBC Gambih No.11 a May 4-7, 2017 sungin KBC Men Work Committee leh No.11 Men Work Committee cheng Tour akichen, imacha boina umlouvin lolhing tah in akichaitai. Akiche sungin Gambih No.11 Pastorpa leh Gambih lamkai chengin Pakai jallin eina lem uvin, chule Houbung jousea, akichena jousea Pakai jalla ngailutna neitah'a eina lem uva lhunna gena, neh le chah kitup keija eibol peh jeh uvin kipa thu seijoulou kahin phonge.

Pathenin KBC No.11 phatthei boh jing taken, Amen.

KIPATHU SEINA

Pathen jallin tunin Music Project (Sound System) lamdohtheina ineijeh'un amasapen'n Pathen thangvahna ipeovin ahi.

1) Tumasanga KBC Headquarter Fellowship Youth ho mopohna a anakiboipi Gospel Feature Flim "Tun Kahung nalai'e" chung changa Chief Guest, Guest of Honour, Funtional President, Special Guest a einapanpeh hou jouse chunganga kipathu sangtah'n akiseijnin ahi.

2) Lamchom choma sum le pai thalejung, Inn sung, thilkeo, Gari, chule doner card eichohpeh hou, jouse chunganga kipathu akiseije.

3) Programme kigonna jouse-a alohin theina dinga vaihom ho, alhaile ho, panmun neiho le vahchoila saho jouse chunganga jong Pakai minin kipathu kiseijin ahi.

4) Music project lolhin theina dinga kigong Gosple Funture Flim chungchanga pan nasahtah'a hinla Director, Committee physical Arrangement Cast a eipanpeh hou le akithopi a pangho jouse chunganga jong kipathu akiseijin ahi.

Tunia muthei le manchah theidinga ilamdoh'u Sound System hi achunga ihinmin phah'u jaumtah lamkai hon lamchom chom'a pan nasatah ahinlah jeh'u ahin, athilphabol naovah ima kipa-thilpeh jong akineijou pon mihem'n apehtheilou igaichat jouseo

eipetheiju Pa Pathen'n phattheina lhingset napejing taohen tih
KBC Head Quater Fellowship miten kipathilpeh kapeh'u himaitahen.

Kakipah uve,

Note: Koitobang Cassette deihon
KBC Book Room'a Rs. 100/- a chothhei ahitai.

Board of Deacon
KBC HQ. Fellowship, Imphal

KBC NO. 19

YOUTH ANNGOL TAONA

LOLHING TAH A KICHAITA

KBC No. 19 E. Mulam Area, Saikul in achesa 29th April 2017, Saturday
nikho jinglama 07:00 am - 03:00 pm sung in Gambih sunga Houbung
15 akon khangdong mi 200 val panlah na in Gangpijang Houbung
munna gambih sung, Houbung le namsung a tahsa leh lhagao lam



a halna le chamna aum na dingin Anngol pum in taona ana kin-
eikhom in ahi. Speaker Evan. Paolet Haokip in Tanti neilouvintao
jingun ti thupi mang chan tilkhouna anei in chule gambih sunga
Gambih lamkai ho le khangdong Bible simlai hon taona item jat
chom chom mangcha in taona alamkai un ahi. Chuleh Houbung

sunga Youth Dept. ho a kon Pathen vahchoina labung jong asacheh un ahi. Hetthei khat chu Youthte Anngol Taona hi kumseh a hung kibol jing ahitoh Ihon in tukum hi a 4 channa ahitai.

Kakipah'e

Pathen in KBC No,19 Youth Dept. umpi jing taken

Thangjakhup Touthang
Youth Chairman
KBC No. 19

Khaiminlen Haokip
Youth Secretary
KBC No. 19

Gambih No 8 Exchange Tour Program



Gambih No. 8 tohgon na noi a, 7th May, 2017 nia B. Vengnom Men Department. Te Gothol a Exchang Tour Program achenau

Gambih No 15 Sung a Hetthei kitongdoh ho REPORT



Achesa April Iha sunga KBC No. 15 P. Laijang muna Revival camp ana umchu lolhing tah in akichaijin, achaini in nupa ko-pnga akon in pindan kichenna jong ana neitaove.

Moreh hop sunga mi 70 val Pa-



then vahchoi lasah kitetna ana um in KBC Gb. No.15 S.Khodengthabi houbung a kon in Pu Thongkhohao Baite in first runners up alan chuleh Gambih sung a kon in top 10 sung ah gambih akon lasath-



em Ng. Tingbem MBC le Gl. Jang-khugin jong ana pang jouvin ahi. alolhinna hon chung ah kipathu akisei jin ahi.

KBC Gambih 7, S. Saheibung houin sahdo na ding a haosapu Pu S. Athang Haokip in cheh semnadinga machine analamdoh Pastor Henkhomang Tuboi in thenso na aneitai.



Moreh Baptist Church a “Meithai te Nikho” thupi tah in akiman peh in taopeh na jong akineije.



KBC gambih No. 15 Moreh area gambih executive ho in achesa april 20 apat May 1 chan KBC 14 sung a houbung ho vilna akinei-jin boina umlouvin tour program ana kichaitai. KBC 14 te chung ah kipathu akiphong e.



KBC gambih 15 sunga Sahei Baptist Church akon in May 21 ni in Gb. Pastor pan khangthah mi 7 tahsan kiphudetna tuilutna ana-nei sah tai.

KBC 15 M. Chahnou Baptist Church akon in may 28 nichun khangthah mi 16 in tahsan tuilut na kin ana kinei-jin ahi.



*Gambih 11 men work committee leh
Convention Men Work committee tour
Gb no. 11 sung a aga chenna*



*Head Quarter Fellowship church in Music Project phat sot tah lut a
ana boipiu chu Pathen phatthei na jallin Rev. N. Haokip General Secretary, KBC in
9th May 2017 nikhon thenso na ananei tai.*

Post Regd. MNP/81
Regd No. 18134/88



KBC Gambih No. 19 hon E. Mulam mun a Nutenikho loupi tah a aman khom nao



If undelivered, please return to
The Editor, KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173